


## 1 Enformaziuns y termins

**Preparaziun al Bato:** düc i geniturs co á na picia creatöra da bacé, pers co aspeta, toc y totes é enviés ala preparaziun dal Bato co ven tignida **en sabeda ai 6 de ma**, dales 15:00 ales 17:00, te calogna a **Al Plan**. Prenotaziuns, ☎ 328 0717796.

**Pelegrinaje a Roma:** la Diozeja met da jí dai 2 ai 5 d'otober en iade a Roma, por i 20 agn dla canonisaziun de sant Ojöp Freinademetz. Le iade ven acompagné da mag. Thomas Stürz. Le numer de partezipanc é limité. Le prisc é de 640,00 euro a ce. Enformaziuns ciafun al ☎ 0471 306222 o ala mail pilgerbuero@bz-bx.ne

**ASC Mareo:** le ASC Mareo organiseia ince eniann d'isté le „Programma generale“, por mitans y mituns da 5 a 10 agn. La pröma encuntada é ai 3 de iuli ales 9:00, ete dal ciamp dal sport. An s'encunta spo vigne lõnesc y vendres, por endöt 15 iadi. Les encuntades dora 1 ora y mesa. Le cost é de 140,00 € por le pröm möt, 120,00 € por fredesc o sorus. Prenotaziuns pa Corinne tres Whatsapp al 346 2211376.



**Döt le bun a:** Vittoria Trebo Winkler, *Balsan* \* 23.04.1939  
Maria Obermair, *Leifers* \* 25.04.1938  
y a düc chi co á santennom y compless i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le **dedemesaledema** sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann A

23.04.2023 - Terza domegna de Pasca

n. 22

### Crist é ressorí.

## El, le creatur dal univers, s'á mené picé dla jont.

(aclamaziun dan le Vangelo)

📖 **St.Ap 2, 14.22–23** | **1 Pire 1, 17–21** | **Jan 21, 1–19**

Na strada é pordert n simbol dla vita umana. Nos se tolun dant en gröm de cosses y i ciarun tal dagní. Valiade sunse lesiers y se jun saorí, valiade fajunse fadia. Entres endò anse debojügn che zacai nes acumpagneii o nes mostri la strada. La bona noela fundamentala dla bibia é chera che Chel Bel Dio enstes é con nos sön le iade. Rodunt tres la ressureziun de Gejú nes á Chel Bel Dio mostré che El é Dio dla vita y che El nes condüj sön strades dla vita. Ensciö él ince dagnora gnü cordü y capí dala pröma comunité cristiana encá: "Tö m'as fat conesce les strades co condüj ala vita y mo emplesc de ligreza con m'ester dlungia." (1ª letöra dala Storia dai Apostui). L'opera de Chel Bel Dio é porchel la fundamonta de nosta speranza y de nosta fidonza: era - desche san Pire dij te sòa pordica - nes á delibré da nosta vire öt." (2ª letöra). Le vangelo spo nes ensegna: plü gran che le debojügn è, plü grana é la fidonza che Chel Bel Dio nes acompagneia y nes é dampró con sòa presenza, ince sci ne ti abadon nia. Cösc é chel ch'i odun pa chi dui discepuj co jea desconsolés a Emmaus, sc'i liun le vangelo de san Lüca. (\*)

(\*) deache le Vangelo dai discepuj da Emmaus é gnü lit en lõnesc de Pasca, vegnel tut encö cösc de San Jan

### Dal Vangelo do San Jan:

[...] Canche Sciomun Pire á aldí, ch'al ea le Signur, s'ál ciolé ados le guant da sora ia, deach'al ea desnü y é salté te le. <sup>8</sup>I atri discepuj ea gnüs do con la barca tirenn do la rei con i pesc leite, deach'ai n'ea pö nia dalunc dala spona, ma encer duiciont brac. <sup>9</sup>Canch'ai ea spo jüs sön tera frema, á odü ia por tera n fú de boreis y lassora pesc y pan. <sup>10</sup>Gejú ti á dit: Portedenen adalersch de chi pesc ch'i eis der pié. <sup>11</sup>Danló é jü Sciomun Pire y á trat la rei fora sön spona. Ara ea emplida de ciontincantetrei de gragn pesc, y sciömia ch'al n'ea tan trec, ne se scarzá la rei nia. <sup>12</sup>Gejú á dit: Gnide ca y mangede! Degügn dai discepuj ne s'anfidá da le damané: Che este pa? Deach'ai sá ch'al ea le Signur. <sup>13</sup>Gejú é gnü pomez, á tut le pan y ti l'á dé y ensciö ince le pesc. <sup>14</sup>Cösc ea belo le terzo iade, che Gejú s'á manifesté ai discepuj, do ch'al ea rosserí dai morc.



**Canche Sciomun Pire á aldí, ch'al ea le Signur, s'ál ciolé ados le guant da sora ia, deach'al ea desnü y é salté te le.**

Jan 21, 8

📖 **Letöres dla Cuarta domegna de Pasca:**

**St.Ap 2, 14a. 36–41** | **1 Pire 2, 20b–25** | **Jan 10, 1–10**

## Edema liturgica dai 23.04. ai 30.04.2023

<b>DOM 23.</b>	<b>Terza domogna de Pasca</b> <i>Domogna de San Ciascian y San Vigile</i>	<i>Georg, Iorz (patron da Pliscia), Adalbert, Fortunato</i>
06:30	gran messa a Al Plan	
09:30	corona: i periun por les families	
10:00	gran messa por dōta la ploania <i>oferta por l'Università Catolica de Milan</i>	
	s.m. en onú de Santa Maria por les families	
	s.m. d'aniversar por † Ida Frontull, Mareo	
	s.m. d'aniversar por † Jan Maneschg, da Poz	
	s.m. por †† Berta (aniversar) y Siegfried Frontull, Janin	
	s.m. por la familia Hubert y Marta Ploner, La Pli	
	s.m. por †† Jan y Nane Rigo, Alnei	
	s.m. por † Hubert Frontull, Casun	
15:00	a Pliscia, s.m. en onú da San Iorz por vis y †† dla fam. Kastlunger, Mone da Pliscia	♫ grup dal cor
<b>Lön 24.</b>	<i>Fidelis da Sigmaringen, Wilfried, Theodor</i>	
→	degūna messa	
<b>Ded 25.</b>	<i>fešta de San Merch evangelist, Hermann, Franca, Erwin</i>	
<b>Dem 26.</b>	<i>Maria dal Bun Consei, Maria Consuelo, Cleto, Helene</i>	
<b>Jöb 27.</b>	<i>Pire Canisius, Zita</i>	
19:30	oraziun da Taizé	
<b>Ven 28.</b>	<i>Pire Chanel, Ludwig Maria Grignon de Montfort</i>	
<b>Sab 29.</b>	<i>fešta de Santa Caterina da Siena (patrona d'Europa), Roswita, Robert</i>	
07:30	s.m. en onú de Santa Rita por la sanité	
	s.m. por vis y †† de Lois Vollmann y Maria Kehrer, Slugher	
	s.m. por † Jep Ellecosta, Lüchesc	
18:00	s.m. prefestia a Al Plan	
<b>DOM 30.</b>	<b>Cuarta domogna de Pasca</b> <b>De mondial d'oraziun por les vocaziuns religioses</b> <b>zelebrazion dla Parora de Dio</b>	<i>Hildegard, Bernhard</i>
08:30	<i>oferta por la ploania con les mitans y i mituns co vá ala Pröma Santa Comegnun</i>	
10:00	zelebrazion dla Parora de Dio a Al Plan	
ampola:	por les families Facchini	
ministronc:	• <b>lönesc y sabeda:</b> Matthias y Sara F. • <b>domogna:</b> Marco y Andreas, Elias y Matteo	
i recordun:	Berta Comploi	† 29.04.2021

## Deventé compagns dal Signur ressorí

### I ponsun do:

Valiade oresson la dé sö: i s'an proé, i an fat döt ci ch'ara jea da fá, mo i n'an empó arjunt nia – al pö por nia proé danö. Döt atramonter sona ci che Gejú dij: "Sciürede ciamó en iade fora les reis!" Cösc ó dí: ince sc'i eis belo proé döt, proéde ciamó en iade. Deache i san dal amur y dal fistide de Chel Bel Dio ciafunse coraje da proé endô danö.

### I periun:

Bel Dio, to Fi rosserí s'acompaneia. Deidesse vire vigne de do cösta fede pascala.

Por Gejú Crist, nosc Signur.

Vesco Wilhelm Egger  
"Sonntagsbibel"

## I simboi cristiagn cuntés ai mituns (14)



### L'anterbanch

La Sacra Scritöra se cunta la storia de Noé y l'anterbanch. Söla tera dël gní na gran plöia. Chel Bel Dio â comané a Noé de costruì na gran barca. Ensciö â Chel Bel Dio salvé dla gran plöia Noé, söa familia y en pêr de dotes les sorts de tiers. Chel Bel Dio ti â spo empormotü a düc söa proteziun – por dagnora. Le segn de cösta pesc y cösta amizizia é l'anterbanch (*liber dla Genesi 6-9*).



### La barca

La barca se recorda l'arca de Noé. Ince la comunité dai amisc de Gejú ven paragonada a na barca. Desco i marinas sön na barca, ensciö é i cristiagn deboriada söle iade fora por i tomps. La stangia dla vela a forma de crusc mostra che co arvenn la barca: Gejú. Con el amesa nos sunse al sogü. Al ne pó se sozeder nia.

## Vita de ploania y de paisc

- **lade por sanc: le KVV d'La Pli y d'Al Plan organiseia en lönesc al 1 de ma en pelegrinaje a Maria Weissenstein.** An vá con en bus, co peia ia ales 6:15 da La Pli, ales 6:30 da Al Plan y ales 6:45 da Longega, cina al Karersee y da enló a pe cina a Schwarzenbach y spo endô con le bus cina a Deutschnofen. L'ultimo toch vån endô a pe por le tru dles staziuns cina a Weissenstein (nia de fadia). Ales 15:00 sarál enló na santa messa. Dedô vegnon endô con le bus a ciasa. Cost: 20,00 €. Preitambel se prenoté cina ai 26 d'aorí pa Hartmann Frontull, ☎ 345 7274593.